

rivojlantirishning boshqarish texnologiyasiga integratsion va kreativ yondashuvlar uslubi” hamda “Ta’limiy o‘yinlar, interfaol dars vositasida o‘quvchilarning ijodiy faoliyatini shakllantirish va boshqarish” kabi mavzuli fasllarda ilmiy, nazariy, mazmuniy tushunchalar orqali yoritilgan. Ushbu bobda ta’limda integratsiya sharoitida o‘quvchilar tarbiyasi va ijodkorligini ta’minlashning turli model va modullari, shakllari tavsiya qilinadi.

Dissertatsiyaning uchinchi bobida pedagogik tajriba-sinov ishlarining mazmuni pedagogik tajriba-sinov natijalarining tahlili yoritilgan.

Dissertatsiyaning “Iqtidorli o‘quvchilar tarbiyasi va ijodkorligini rivojlantirishga oid tajriba-sinov ishlari mazmuni va samaradorligi” nomli uchinchi bobida tadqiqot ishida ishlab chiqilgan modellar, loyihalar, mexanizmlardagi metodik tizimni baholash uchun tajriba-sinov ishini tashkil etish va uni o‘tkazish, olingan natijalarni matematik-statistik tahlil qilish vazifasi qo‘yilgan. Bunda “O‘zbekistonda iqtidorli bolalar ijodkorligini rivojlantirishning boshqarish texnologiyasi ” va “Tajriba-sinov ishlari natijalari va ularning tahlili” kabi fasllarda tahlil qilingan.

Ixtisoslashgan maktablarda sifatli ta’limni o‘quv muassasalarida yangicha yondashuvlar asosida ta’lim samaradorligini oshirish mazmuni va tahlili bayon etilgan. Tajriba-sinov ishlarini olib borish uchun Erkin Vohidov nomidagi ijod maktabi, Halima Xudoyberdieva nomidagi ijod maktabi, Toshkent viloyati Zangiota ixtisoslashgan maktablarning har biridan 2 tadan: 7- “A”, “B”, 8- “A”, “B”, 9 - “A”, “B” sinflari belgilandi. Jami 432 nafar o‘quvchilar ishtiroki ta’minlangan bo‘lib, natijalar matematik-statistik tahlil orqali xulosalangan.

Mazkur ta’lim muassasalari bazasida sinov -tajriba ishlari o‘tkazilgan bo‘lib, quyidagi bosqichlarda amalga oshirildi: asoslovchi (2020-2021 o‘quv yili), shakllantiruvchi (2021-2022 o‘quv yili), umumlashtiruvchi (2022-2023 o‘quv yili). Tajriba-sinov ishlariga 432 nafar o‘quvchi jalb etilganligi asoslanadi.

Ixtisoslashtirilgan va ijod maktablari faoliyatini takomillashtirishda pedagogik yo‘nalish doirasidagi tadqiqotning asosiy e’tibori ikki jihatga — tadqiq uchun tanlangan muammoning nazariy o‘rganilishiga va nazariy o‘rganish vaqtida aniqlanib, amaliyotga tatbiq etilishi zarur bo‘lgan g‘oyalar samaradorligining sinov ishlari orqali baholanishiga qaratildi. Bu yo‘lda amalga oshiriladigan tadqiqotchilik faoliyatini dissertant shartli ravishda quyidagi uch bosqichga ajratadi:

1-bosqichda: mavjud manbalar va pedagogik jarayonni kuzatish asosida muammoning yechimini ta’minlovchi nazariy g‘oyalar (konsepsiya)ning asoslash (nazariy g‘oyalarni ishlab chiqish).

2-bosqichda: asoslangan nazariy g‘oyalarning amaliyotga tatbiqini ta’minlash chora-tadbirlari belgilash (yo‘llari, shakllari, metodlari va vositalarini aniqlash).

3-bosqichda: ustuvor nazariy g'oyalarning amaliyotga tatbiqi va uning samarali kechganligini tahlil qilish.

Ixtisoslashtirilgan va ijod maktablari boshqaruv faoliyati samaradorligini ta'minlash yo'lida olib borilgan tadqiqotning asosiy maqsadi ilmiy jihatdan asoslangan konsepsiya (nazariy g'oyalarni) amaliyotga tatbiq etishdan iborat, deb belgilandi.

Ishning birinchi va ikkinchi boblarida aytib o'tilganidek, fan o'qituvchisi va maktab rahbarlarining o'z-o'zini rivojlantirish turli ko'rinishlardagi malaka oshirish kurslaridan keyingi faoliyati samaradorligini ta'minlashda quyidagi konsepsiya ustuvor ahamiyat kasb etadi: mavjud ehtiyojlar, zamonaviy talablarni inobatga olgan holda ixtisoslashtirilgan va ijod maktablari rahbarlarining yetakchi sifatida shaxsiy rivojlanish dasturiga ega bo'lishlari, ta'lim muassasasini innovatsion tizimini yaratishga jiddiy e'tibor qaratishlari maqsadga muvofiq ekanligi asoslandi.

Mazkur konsepsiyani amaliyotga tatbiq etish jarayonida quyidagi asosiy vazifalarning ijobiy hal qilinishi ta'minlandi:

- ta'lim muassasasining iqtidorli o'qituvchisini ijodkor qiyofasida aks etishi zarur bo'lgan ma'naviy-axloqiy sifatlar majmuni aniqlashtirish;

- rivojlantirish dasturida ta'lim muassasasining o'qituvchilar ta'minoti, o'qituvchilarning ma'naviy-tarbiyaviy tizimlari tamoyillari asoslash;

- iqtidorli o'qituvchilar tarbiyasi va ijodkorligini rivojlantirish imkonini beruvchi zamonaviy texnologiyalarni belgilash;

- iqtidorli o'qituvchilar tarbiyasi va ijodkorligini rivojlantirish istiqbolli rejasini ishlab chiqish;

- iqtidorli o'qituvchilar tarbiyasi va ijodkorligini rivojlantirish imkonini yaratuvchi rivojlantirish dasturini yaratish;

- shaxsiy, shu jumladan, ijodkorlik faoliyati samaradorligini nazorat qilib borish (monitoring) jadvali tavsiya qilindi.

Ixtisoslashtirilgan ta'limda o'qituvchilarning ijodiy faoliyatini rivojlantirish muammosining maktab amaliyotidagi holati tahlili jarayonida asosiy e'tiborni o'qituvchilarning ijodiy faoliyatini yuzaga chiqaruvchi omillarga e'tibor qaratildi. Olib borilgan tajriba-sinov ishlari maktab o'qituvchilarning ham ijodiy ta'lim-tarbiya to'g'risidagi fikrlaridan kelib chiqib, mazkur ob'ekt misolida ta'limni ijodiy tashkili etish amaliyotining real holati va o'qituvchilarning kuchli hamda zaif tomonlari tahlil qilindi.

Tajriba-sinov ishlari bosqichida respondent o'quvchilaridan 432 nafari jarayonlarda ishtirok etdi.

Ixtisoslashtirilgan va ijod maktablari ta'lim sifatini oshirish asosida ta'lim muassasalarida o'tkazilgan tadqiqot natijalari asosida quyidagilar:

ta'lim sifatini oshirishning pedagogik komponentlari (ta'lim sifatini baholash mezonlari va aniqlash indikatorlari, o'quvchi kompetentlik darajasi, o'qituvchining innovatsion va kreativ faoliyati) hamda ta'lim sifatiga ta'sir qiluvchi omillar (ta'lim mazmuni, ob'ekt va sub'ekt munosabati, texnologik, ijtimoiy, iqtisodiy) davlat ta'lim standartlari va buyurtmachilar talablarini integratsiyalash asosidagi ilmiy metodik taklif va tavsiyalardan PZ-2017927124 "Ta'lim muassasalarida hamkorlik asosida pedagogik faoliyatni rivojlantirish" mavzusidagi amaliy loyihani bajarishda foydalanilgan. Natijada, ta'lim muassasalarida o'quv jarayonlari sifati samaradorligini oshirishga erishilgan;

ta'lim turlarining o'zaro bog'liq tarkibiy bo'limlari (gorizontal, vertikal) va o'ziga xos integral belgilari (ijro, nazorat, natija)dan iborat ta'lim sifatini oshirishga mo'ljallangan innovatsion yondashuv tuzilmasini modellash tashkilotlari (uzviylik, normativlik, ilmiylik, izchillik, universallik) bo'yicha ishlab chiqilgan taklif va tavsiyalardan ITD-1-148 "Kasb ta'limi mazmunini modernizatsiyalash asosida o'qituvchilar kasbiy kompetentligini rivojlantirish texnologiyasi" mavzusidagi amaliy loyihani bajarishda foydalanilgan. Natijada, ta'lim muassasalari hamkorligini tashkil qilish hamda o'qituvchilarning kasbiy kompetentligi takomillashtirilgan;

kreativ yondashuvlar asosida ixtisoslashgan maktablarda ta'lim sifatini oshirish tamoyillari (muvoftiklik, tizimlilik, barqarorlik, sinergetik, moslashuvchanlik)ga asoslangan mobil harakati tezkor aloqa, hududiy yaxlitlik hamda "maktab-iqtidor laboratoriyasi" maydonchalarning imkoniyatlari (metodik, didaktik, texnologik, motivatsion)ga ustuvorlik berish oshirishda foydalanilgan (Oliy va o'rta maxsus ta'lim vazirligining 2021 yil 4 noyabrda № 89-03-4397-son ma'lumotnomasi). Natijada, tadqiqot asosida ixtisoslashgan va ijod maktablari iqtidori o'quvchilar kompetentlik darajasining oshirishga erishilgan;

ta'lim tizimida sifati kadrga bo'lgan ehtiyojni mahalliy sharoitga mos, tizimlararo manfaatdorlik tamoyillari (maqсад umumiyligi, manfaatlar xususiyligi)ga ko'ra ta'minlashning uzviylik va uzluksizlikka asoslangan. (Oliy va o'rta maxsus ta'lim vazirligining 2021 yil 4 noyabrda № 89-03-4397-son ma'lumotnomasi). Natijada nazariy va amaliy faoliyat uyg'unligi borasidagi metodik xulosalar ta'lim muassasalarining ilmiy va metodik ta'minotini kuchaytirishga xizmat qilgan.

Mazkur tadqiqot natijalari 2 ta xalqaro va 2 ta respublika ilmiy-amaliy anjumanlarda muhokamadan o'tkazilgan.

Dissertatsiya mavzusi bo'yicha jami 15 ta ilmiy ish, shu jumladan, Oliy attestatsiya komissiyasi tomonidan doktorlik dissertatsiyalari asosiy ilmiy natijalarini

chop etish tavsiya etilgan ilmiy nashrlarda 4 ta maqola, halqaro xorijiy jurnallarda 3 ta nashr etilgan. Yuqorida bildirilgan fikr-mulohazalar asosida tadqiqotchi Raximov Minhojiddin Muhammadg'olib o'g'lining "O'zbekistonda iqtidorli bolalar ijodkorligini rivojlantirishning boshqarish texnologiyasi" mavzusidagi pedagogika fanlari falsafa doktori (PhD) ilmiy darajasini olish uchun yozilgan dissertatsiyasi OAK tomonidan "Dissertatsiyalarni bajarish to'g'risida"gi Nizomida qo'yilgan talablarga to'liq javob beradi, tadqiqot ishi mustaqil bajarilgan va yakunlangan ish bo'lib, uni ochiq himoyaga tavsiya etaman.

Ilmiy rahbar xulosasi:

Musurmanova Aynisa
pedagogika fanlari doktori, professor